

DIANDRIA MONOGYNIA.

Radix perennis, lignosa, multiceps. *Caules* plures, palmares, diffusi, fruticulosi, subramosi, foliosi, teretes, pubescentes. *Folia* opposita, parva, subsessilia, elliptica, obtusa, integerrima, revoluta, incana, avenia. *Corymbi* terminales, solitarii, breves, undique hirsuto-incani. *Bractea* parva, obovata, obtusa, integerrima, longitudine pedicellorum. *Calyx* quadripartitus, ferè regularis, laciniis elliptico-lanceolatis, obtusiusculis, integerrimis, basi trinerviis. *Corolla* cyanea; laciniâ infimâ lateralibus vix duplò minore; tubo albo. *Stamina* erecta. *Stylus* filiformis, deciduus. *Capsula* bivalvis, hirsuto-incana, obcordata, lobis divaricatis. *Semina* elliptico-subrotunda, cornea, compressa, obsolete rugosa, hinc gibba.

- A. Corolla parùm aucta, tubo longitudinalitèr secto, staminibus coronato. d. Capsula.
b. Corolla magnitudine naturali, cum staminibus. e. Semen.
c. Pedunculus, calyx et pistillum.

TABULA 7.

VERONICA GLAUCA.

VERONICA floribus solitariis, foliis cordatis inciso-serratis, caulibus procumbentibus, laciniis calycinis utrinque dentatis.

In jugo montis Hymetti prope Athenas. D. Ferd. Bauer. ☉.

Radix fibrosa, annua. *Caules* prostrati, undique diffusi, ramosissimi, foliosi, hirsuti; ramis oppositis, lineâ densius pilosâ utrinque notatis. *Folia* petiolata, cordata, obtusiuscula, inciso-serrata, obsolete venosa, glauca, subtùs basique hirsutiora, apice ferè denudata; inferiora opposita; superiora alterna. *Petioles* dilatato-marginati, hirsutissimi. *Pedunculi* axillares, solitarii, uniflori, capillares, glabri, folio breviores. *Calyx* quadripartitus, glaberrimus, glaucus, laciniis ellipticis, acutis, uninerviis, utrinque unidentatis, rariùs bidentatis. *Corolla* saturatè cærulea ore alba, laciniâ infimâ magnitudine ferè superioris. *Stamina* albida, corollâ duplò breviora, horizontalia. *Stylus* sursum incrassatus. *Fructus* exemplaribus deest.

- a. Corolla et stamina. b. Pedunculus, calyx atque pistillum.

TABULA 8.

VERONICA AGRESTIS, *varietas byzantiaca*.

VERONICA floribus solitariis, foliis ovatis inciso-serratis pedunculo brevioribus, caulibus procumbentibus, semimibus urceolatis.

V. agrestis. Linn. Sp. Pl. 18.

β V. flosculis oblongis pediculis insidentibus, chamædryos folio, major. Buxb. Cent. 1. 26. t. 40. f. 2.

In insulis Principum prope Byzantium. ☉.